



BOSNIA AND HERZEGOVINA
Ministry of Foreign Trade and Economic Relations
Veterinary Office of Bosnia and Herzegovina

Na osnovu člana 21. tačke 2. i člana 84. tačke 1. Zakona o veterinarstvu u Bosni i Hercegovini ("Službeni glasnik BiH", broj 34/02), Ured za veterinarstvo Bosne i Hercegovine donosi

UPUTSTVO

o zabrani uvoza određenih pošiljki porijeklom iz Republike Hrvatske radi sprečavanja unosa u Bosnu i Hercegovinu afričke svinjske kuge

Član 1.

(1) Radi sprečavanja unosa u Bosnu i Hercegovinu afričke svinjske kuge zabranjuje se uvoz u Bosnu i Hercegovinu i provoz preko područja Bosne i Hercegovine slijedećih vrsta pošiljki, a koje su porijeklom iz **Republike Hrvatske**:

- a) žive domaće i divlje svinje;
- b) sjemena domaćih i divljih svinja;
- c) embriji/jajne stanice domaćih i divljih svinja;

(2) Radi sprečavanja unosa u Bosnu i Hercegovinu afričke svinjske kuge zabranjuje se uvoz u Bosnu i Hercegovinu i provoz preko područja Bosne i Hercegovine slijedećih vrsta pošiljki:

- a) svježe meso domaćih i divljih svinja;
- b) proizvodi od mesa domaćih i divljih svinja;
- c) proizvodi porijeklom od domaćih i divljih svinja namijenjenih za poljoprivrednu, industrijsku i drugu upotrebu, koji nisu bili obrađeni na način da je sa sigurnošću uništen virus afričke svinjske kuge;
- d) proizvodi porijeklom od domaćih i divljih svinja namijenjenih farmaceutskoj ili medicinskoj (hirurškoj) upotrebi, koji nisu bili obrađeni na način da je sa sigurnošću uništen virus afričke svinjske kuge;
- e) patološki materijal i biološki proizvodi od domaćih i divljih svinja, koji nisu bili obrađeni na način da je sa sigurnošću uništen virus afričke svinjske kuge,

a koji su porijeklom iz:

- **slijedećih opština i gradova u Republici Hrvatskoj:**
 - **Andrijaševci, Babina Greda, Bogdanovci, Bošnjaci, Borovo, Cerna, Drenovci, Gradište, Gunja, Ilok, Ivankovo, Jarmina, Lovas, Markušica, Negoslavci, Nijemci, Nuštar, Otok, Privlaka, Stari Jankovci, Stari Mikanovci, Tompojevci, Tordinci, Tovarnik, Trpinja, Vinkovci, Vodinci, Vrbanja, Vukovar i Županija u Vukovarsko-Srijemskoj Županiji;**
 - **Donji Andrijevci, Gundinci, Oprisavci, Sikirevci, Slavonski Šamac, Velika Kopanica i Vrpolje u Brodsko-Posavskoj Županiji;**

- **Antunovac, Beli Manastir, Belišće, Bilje, Čeminac, Čepin, Darda, Donji Miholjac, Drenje, Đakovo, Erdut, Ernestinovo, Gorjani, Jagodnjak, Kneževi Vinogradi, Levanjska Varoš, Osijek, Petlovac, Petrijevc, Punitovci, Satnica Đakovačka, Semeljci, Šodolovci, Strizivojna, Trnava, Valpovo, Viškovci, Vladisavci i Vuka u Osječko-Baranjskoj Županiji.**

(3) Pored navedenog, zabranjuje se uvoz živih domaćih i divljih svinja koje potiču iz drugih regija i država ako se prije ulaska na teritoriju Bosne i Hercegovine prevoze preko područja navedenih u stavu (2) ovog člana.

Član 2.

(1) Bez obzira na odredbe navedene u članu 1. ovog Uputstva, ukoliko se izvozni objekat nalazi u području navedenom u članu 1. stav (2) ovog Uputstva, proizvodi od mesa domaćih svinja mogu biti uvezeni u Bosnu i Hercegovinu ukoliko se s rovina koja je korištena u proizvodnji proizvoda od mesa, obrađenih želudaca, mjehurā i crijeva od svinja porijeklom od svinja držanih na objektima koji se nalaze izvan navedenih područja.

(2) Proizvode od mesa iz stava (1) ovog člana mora pratiti dodatna garancija uz veterinarsko-zdravstveni certifikat.

Član 3.

Bez obzira na odredbe navedene u članu 1. ovog Uputstva, zabrana se ne odnosi na proizvode od mesa koji su podvrgnuti jednom od slijedećih postupaka obrade:

- a) toplinska obrada u hermetički zatvorenom spremniku da bi se postigla vrijednost F_0 najmanje 3;
- b) toplinska obrada da bi se postigla temperatura u središtu od 80°C;
- c) toplinska obrada (prethodno otkoštenog i odmašćenog mesa) da bi se postigla temperatura u središtu od 70°C najmanje 30 minuta;
- d) u hermetički zatvorenom spremniku, pri temperaturi od 60 °C najmanje četiri sata;
- e) prirodna fermentacija i dozrijevanje otkoštenog mesa: najmanje 9 mjeseci da bi se postigle najveće vrijednosti A_w od 0,93 i pH od 6;
- f) prirodna fermentacija slabina: najmanje 140 dana da bi se postigle najveće vrijednosti A_w od 0,93 i pH od 6;
- g) prirodna fermentacija šunki: najmanje 190 dana da bi se postigle najveće vrijednosti A_w od 0,93 i pH od 6;
- h) sušenje otkoštenih šunki i slabina španskog tipa nakon soljenja:
 - iberske šunke: najmanje 252 dana
 - iberske plećke: najmanje 140 dana
 - iberske slabine: najmanje 126 dana
 - šunke Serrano: najmanje 140 dana

Član 4.

Stupanjem na snagu ovog Uputstva prestaje važiti Uputstvo o zabrani uvoza određenih pošiljki porijeklom iz Republike Hrvatske radi sprečavanja unosa u Bosnu i Hercegovinu afričke svinjske kuge (broj: 02-1-02-2-862-3/25 od 17.07.2025. godine).

Član 5.

Ovo Uputstvo stupa na snagu danom donošenja i vrijedi do donošenja odgovarajuće Odluke Vijeća ministara Bosne i Hercegovine, odnosno do njegovog stavljanja van snage posebnom Odlukom radi prestanka opasnosti od unosa u Bosnu i Hercegovinu afričke svinjske kuge.

Broj: 02-1-02-2-862-7/25

Datum: 22.09.2025



DIREKTOR

Sasa Bošković dr vet.med.

Dostaviti:

- Ministarstvo vanjske trgovine i ekonomskih odnosa – kabinet Ministra
- Svim graničnim veterinarskim inspektorima;
- Odjeljenje za zdravlje i dobrobit životinja;
- Odjeljenje za sigurnost hrane i uslove u objektima;
- Arhiva.